



IROMAG

Odlazni studenti



by IROUNMO

U OVOM BROJU

**DAN DRŽAVNOSTI BOSNE I
HERCEGOVINE**

STUDENTSKI IZLET U SPLIT

**SEDMICA MEĐUNARODNE SARADNJE
UNIADRION ITALY I SAJAM
UNIVERZITETA ZAPADNOG BALKANA**

**"MLADI PROTIV SJENA: SIGURNOST I
OTPORNOST U VREMENU
ORGANIZOVANOG KRIMINALA"**

**STUDENTICE FARMACIJE NA
MEĐUNARODNOM
KONGRESU**

**SNIMANJE I PREMIJERA PRVOG
SUNRISE PODCASTA**

Dan državnosti Bosne i Hercegovine obilježava se 25. novembra, u znak sjećanja na historijsku odluku Zemaljskog antifašističkog vijeća narodnog oslobođenja Bosne i Hercegovine (ZAVNOBiH) iz 1943. godine. Ovaj datum simbolizira obnovu državnosti, potvrdu ravnopravnosti svih naroda i građana te opredijeljenost za zajedništvo i antifašističke vrijednosti.

Dan državnosti predstavlja važan podsjetnik na kontinuitet bosanskohercegovačke državnosti i ulogu koju građani, a posebno mladi, imaju u očuvanju demokratskih principa, multikulturalnosti i budućeg razvoja društva.

STUDENTSKI IZLET U SPLIT

By IROUNMO

U organizaciji Unije studenata, studenti Univerziteta Džemal Bijedić u Mostaru realizirali su jednodnevnu posjetu Splitu 29.11.2025. godine. Već od ranog jutra, pa sve do povratka u Mostar, među učesnicima je vladala opuštena i vedra atmosfera, ispunjena druženjem, smijehom i pozitivnom energijom.

Na izlet je krenulo čak 202 studenta, što ovu posjetu čini jednom od najbrojnijih do sada. Uprkos velikom broju učesnika, cijeli program protekao je u izvršnoj organizaciji, međusobnom razumijevanju i kolegijalnom duhu.

Tokom boravka u Splitu, studenti su imali priliku upoznati se s kulturno-historijskim znamenitostima grada, uživati u šetnji starom gradskom jezgrom te slobodno vrijeme provesti prema vlastitim interesima. Ovakve aktivnosti doprinose ne samo međusobnom povezivanju studenata, već i obogaćivanju njihovog akademskog i kulturnog iskustva.



SEDMICA MEĐUNARODNE SARADNJE UNIADRION ITALY I SAJAM UNIVERZITETA ZAPADNOG BALKANA

By IROUNMO

Sedmica međunarodne saradnje UNiAdrion Italy i Sajam univerziteta zapadnog Balkana održani su od 24. do 28. novembra 2025. godine u Ankoni i Teramu, okupljajući predstavnike univerziteta iz zemalja zapadnog Balkana i Italije. Univerzitet Džemal Bijedić u Mostaru predstavili su studenati i osoblje Univerziteta, koji su zajedno učestvovali u svim aktivnostima i programskim sesijama.

Tokom petodnevnog događaja, učesnici imali su priliku predstaviti akademsku ponudu Univerziteta, učestvovati u fokus sesijama, razmijeniti iskustva sa kolegama iz Italije i regiona te aktivno doprinositi promociji mobilnosti i saradnje. Zajedničkim angažmanom na promotivnim štandovima, diskusijama i radionicama, delegacija Univerziteta doprinijela je povećanju međunarodne vidljivosti institucije i jačanju partnerstava.

Program Sajma uključivao je prezentacije univerziteta, radne sastanke, ESN radionice, kao i aktivnosti posvećene planiranju budućih izdanja ovog događaja. Učesnici su kroz zajednički rad i kontakte s italijanskim studentima i institucijama dodatno unaprijedili saradnju i otvorili prostor za nove mobilnosti u okviru Erasmus+ programa KA171.

Učešće Univerziteta Džemal Bijedić u Mostaru na ovom događaju predstavlja važan korak ka jačanju međunarodne saradnje i stvaranju novih mogućnosti za studente i osoblje.





“MLADI PROTIV SJENA: SIGURNOST I OTPORNOST U VREMENU ORGANIZOVANOG KRIMINALA”

By IROUNMO

Studenti I studentice Pravnog fakulteta učestvovali su u diskusiji “Mladi protiv sjena: Sigurnost I otpornost u vremenu organizovanog kriminala”, koja je organizovana 28. Novembra 2025. Godine na Pravnom fakultetu. Diskusiju su organizovali Centar za sigurnosne studije I Pravni fakultet uz podršku kancelarije UN-a za drogu I criminal. (UNODC).

U uvodnom dijelu učesnici su se upoznali s Palermo konvencijom, ključnim međunarodnim dokumentom u borbi protiv transnacionalnog organizovanog kriminala, te sa strategijom za borbu protiv organizovanog kriminala u BiH 2023-2026. Nakon toga, gospodin Emir Bašić, director Federalne agencije za upravljanje oduzetom imovinom, predstavio je rad Agencije.

Ovaj događaj pružio je studentima vrijednu priliku da prodube znanje o savremenim sigurnosnim izazovima i aktivno doprinesu diskusiji o ulozi mladih u izgradnji otpornog i sigurnog društva.



STUDENTICE FARMACIJE NA MEĐUNARODNOM KONGRESU

By IROUNMO

Studentice četvrte godine Univerzitetskog studija Farmacija – Jasmina Begović, Arna Ključo, Nejira Idrizović, Sajra Hajdarović i Anisa Gosto – pod mentorstvom prof. dr. Harisa Nikšića, predstavile su svoj istraživački rad u okviru kolegija Farmakognozija II.

Na 10. Studentskom kongresu Hrana-Ishrana-Zdravlje sa međunarodnim učešćem, održanom od 13. do 15. novembra 2025. godine u Sarajevu, studentice su prezentovale poster pod nazivom: “Analysis of Polyphenol and Anthocyanin Content in Commercially Available Fruit and Herbal Teas.”

Njihov rad daje vrijedan doprinos razumijevanju nutritivnog i funkcionalnog sastava biljnih i voćnih čajeva koji su svakodnevni dio ishrane, te predstavlja važan korak ka daljem istraživanju korisnih bioaktivnih spojeva u prehrambenim proizvodima.



SNIMANJE I PREMIJERA PRVOG SUNRISE PODCASTA

By IROUNMO

Produkcija prve epizode nove serije podcasta u okviru inicijative Sunrise Alliance započela je u četvrtak, 20. novembra 2025. godine.

U epizodi pod nazivom „Erasmus+ mobilnost studenata: iskustva dolaznih i odlaznih studenata“, studenti dijele svoja iskustva sa Erasmus+ programom – od prvih koraka u procesu prijave do sticanja novih znanja i iskustava. Epizodu vodi asistentica Vildana Delibašić.

Ova epizoda donosi iskustvo Seymanur Ciftci, studentice Atatürk univerziteta iz Turske, koja trenutno boravi na mobilnosti na Univerzitetu Džemal Bijedić u Mostaru. Seymanur je podijelila svoja zapažanja o studiranju u Mostaru, prilagođavanju novoj sredini i podršci koju je primila kroz Erasmus+ program. Njenu priču dopunila je Elhana Husović, studentica Pravnog fakulteta, koja je predstavila perspektivu odlaznog studenta.

Prva epizoda podcasta uskoro će biti dostupna na YouTube kanalima Sunrise Alliance, Univerziteta Džemal Bijedić u Mostaru i kanalu Kancelarije za međunarodnu saradnju, kao i na zvaničnim web stranicama i društvenim mrežama.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
AMILA VRTIĆ

